



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 25. i 34. Zakona o ustanovama („Službeni list Republike Bosne i Hercegovine“, br. 6/92, 8/93 i 13/94), člana 16. i 19. Odluke o osnivanju JU „Međunarodni centar za djecu i omladinu Novo Sarajevo“ – („Službene novine Kantona Sarajevo“, broj 4/11 – prečišćeni tekst), i Zaključka o utvrđivanju standarda i kriterija za izbor i imenovanje na poziciju člana Upravnog odbora i člana Nadzornog odbora JU „Međunarodni centar za djecu i omladinu Novo Sarajevo“ broj: 16-30-2-7504/25 od 28.07.2025.godine, Općinska načelnica objavljuje

JAVNI OGLAS
za izbor i imenovanje člana Upravnog i člana Nadzornog odbora
JU „Međunarodni centar za djecu i omladinu Novo Sarajevo“

I - Objavljuje se Javni oglas za izbor i imenovanje na poziciju člana Upravnog odbora i člana Nadzornog odbora JU „Međunarodni centar za djecu i omladinu Novo Sarajevo“ i to:

U UPRAVNI ODBOR bira se:

- 1 član – Predstavnik osnivača

U NADZORNI ODBOR bira se:

- 1 član – Predstavnik osnivača

Mandat člana Upravnog odbora i člana Nadzornog odbora traje do prestanka rada Centra i preuzimanja prava i obaveza Centra, od strane JP „ONSA“ d.o.o. Sarajevo ili do donošenja odluke kojom će se definisati status Centra, a najduže na period do 4 godine.

II – Opis pozicija:

Upravni odbor, uz saglasnost Općinske načelnice Općine Novo Sarajevo donosi Pravila, sklapa sa Direktorom direktorski-menadžerski ugovor, imenuje i razrješava direktora, utvrđuje planove rada i razvoja, utvrđuje godišnji program rada, te obavlja i sljedeće poslove: donosi finansijski plan i usvaja godišnji obračun, donosi opšti akt o unutrašnjoj organizaciji i sistematizaciji poslova i radnih zadataka, donosi i druge opšte akte, u skladu sa zakonom i Pravilima, odlučuje o svim pitanjima obavljanja djelatnosti radi kojih je Javna ustanova osnovana, ako zakonom nije drugačije određeno, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog Pravilima, odgovara osnivaču za rezultate rada Javne ustanove, podnosi osnivaču izvještaj o poslovanju Javne ustanove najmanje jedanput godišnje, odlučuje o prigovorima radnika na Rješenje koje je drugi organ Centra donio pri odlučivanju o njegovim pravima, obavezama i odgovornostima iz radnog odnosa u skladu sa odredbama ovih Pravila te vrši i druge poslove u skladu sa zakonom i Pravilima.

Nadzorni odbor analizira izvještaje o poslovanju Centra, obavlja nadzor nad upotrebom sredstava za rad Centra, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, Upravni odbor i Direktora o rezultatima nadzora.

III – Opći uslovi koje svaki kandidat treba da ispunjava su sljedeći:

- a) da je državljanin Bosne i Hercegovine,
- b) da je stariji od 18 godina,
- c) da nije otpušten iz državne službe kao rezultat disciplinske mjere na bilo kojem nivou vlasti u BiH, u periodu od tri godine, od dana objavljivanja Javnog oglasa,
- d) da nije obuhvaćen odredbama člana IX 1. Ustava Bosne i Hercegovine,

- e) da nije osuđivan za krivično djelo i privredni prestup nespojiv sa dužnošću u upravnom i nadzornom odboru javne ustanove,
- f) da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u institucijama vlasti BiH („Službeni glasnik BiH“ broj, 16/02; 14/03; 12/04; 63/08; 18/12) i da ne postoji nespojivost sa članstvom u upravnom ili nadzornom odboru u skladu sa ovim Zakonom,
- g) da nije na funkciji u političkoj stranci.

IV – Pored navedenih općih uslova, kandidat koji se imenuje na poziciju člana Upravnog odbora i člana Nadzornog odbora treba da ispunjava i sljedeće posebne uslove:

- a) VSS - najmanje VII stepen stručne spreme (240 ECTS bodova)-društvenog smjera,
- b) najmanje 5 (pet) godine radnog iskustva/staža nakon završetka VSS u struci,
- c) da nema privatni finansijski interes u javnoj ustanovi u čiji se upravni/nadzorni odbor kandiduje,
- d) da nije direktor javne ustanove,
- e) da ne postoji nespojivost sa članstvom u upravnom ili nadzornom odboru javne ustanove u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo, broj: 35/22; 44/22-ispravka; 52/22-ispravka), kao ni u skladu sa drugim propisom koji reguliše ovu oblast.

Prednost kod imenovanja člana Upravnog odbora i člana Nadzornog odbora imat će kandidat sa radnim iskustvom, te ostvarenim i priznatim rezultatima na polju kulture, obrazovanja, rada sa mladim, a i umjetničkog stvaralaštva.

V – SADRŽAJ DOKUMENTACIJE KOJA SE PRILAŽE:

- 1) Prijava sa naznakom za koju se poziciju iz Javnog oglasa kandiduje,
- 2) Biografija sa podacima o radnom i profesionalnom iskustvu, te ostvarenim rezultatima tokom radnog angažovanja,
- 3) Uvjerenje o državljanstvu, ne starije od 6 mjeseci od dana objave Javnog oglasa,
- 4) Ovjerena fotokopija diplome,
- 5) Uvjerenje o radnom stažu/iskustvu nakon završetka VSS u struci,
- 6) Izjava kandidata:
 - a) Da nije osuđivan za krivično djelo i privredni prestup i da se protiv njega ne vodi krivični postupak,
 - b) Da nije otpušten iz državne službe kao rezultat disciplinske mjere na bilo kojem nivou vlasti u BiH, u periodu od tri godine, od dana objavljivanja ovog oglasa,
 - c) Da nije obuhvaćen odredbama člana IX. 1. Ustava Bosne i Hercegovine,
 - d) Da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti BiH („Službeni glasnik BiH“ broj, 16/02; 14/03; 12/04; 63/08; 18/12) i da ne postoji nespojivost sa članstvom u upravnom ili nadzornom odboru u skladu sa ovim Zakonom,
 - e) Da nije na funkciji u političkoj stranci,
 - f) Da nema privatni finansijski interes u javnoj ustanovi u čiji se upravni/nadzorni odbor kandiduje,
 - g) Da nije direktor javne ustanove,
 - h) Da ne postoji nespojivost sa članstvom u upravnom ili nadzornom odboru javne ustanove u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo, broj: 35/22; 44/22-ispravka; 52/22-ispravka), kao ni u skladu sa drugim propisom koji reguliše ovu oblast.

Navedenu dokumentaciju dostaviti po redoslijedu kako je navedeno. Sve kopije moraju biti ovjerene i ne starije od šest (6) mjeseci.

NAPOMENA: Dokumentacija koja se dostavlja neće se vraćati kandidatima koji su se prijavili na Javni oglas.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



VI – Svi kandidati koji ispunjavaju uslove bit će pozvani na intervju koji provodi Komisiju za provođenje Javnog oglasa za izbor člana Upravnog odbora i člana Nadzornog odbora JU „Međunarodni centar za djecu i omladinu Novo Sarajevo“.

Komisija će putem pismene preporuke predložiti rang-listu sa najboljim kandidatima i dostaviti je Općinskoj načelnici na dalje razmatranje i konačno imenovanje.

Konačno imenovanje će se objaviti u „Službenim novinama Kantona Sarajevo“.

Sve informacije u toku postupka kandidovanja su transparentne, osim ako informacije nisu povjerljive u smislu Zakona o zaštiti ličnih podataka.

Nezadovoljni kandidat može podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni članom 3. Zakona o ministarskim, vladinim i drugim imenovanjima Federacije Bosne i Hercegovine.

Prigovor se podnosi Općinskoj načelnici, a fotokopija prigovora se dostavlja Ombudsmanu za ljudska prava Bosne i Hercegovine.

VII – Prijave sa traženom dokumentacijom podnose se lično ili poštom preporučeno, u zatvorenoj koverti, na adresu;

**Općina Novo Sarajevo,
Općinska načelnica
Komisija za provođenje oglasa za izbor člana Upravnog odbora i člana Nadzornog odbora JU
„Međunarodni centar za djecu i omladinu Novo Sarajevo“ – ne otvaraj
Zmaja od Bosne broj 55
71 000 Sarajevo**

Nepotpune i neblagovremene prijave neće biti razmatrane.

VIII – Javni oglas za izbor i imenovanje člana Upravnog i Nadzornog odbora, objavit će se u „Službenim novinama Federacije BiH“, najmanje jednom dnevnom listu koji se štampa na području Bosne i Hercegovine, web stranici Općine i oglasnoj ploči Općine, s ciljem da bude dostupan najširoj javnosti i ostaje otvoren 15 dana od dana posljednjeg objavljivanja.

Broj: 16-30-2-7504/25

Sarajevo, 28.07.2025. godine

OPĆINSKA NAČELNICA

Prof dr. Benjamina Karić